



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

IV. An & qua ratione de nostra prædestinatione certi esse possimus: seu
quænam sint diuinæ Prædestinationis signa.

[urn:nbn:de:hbz:466:1-72856](#)

Hieronymus in illud Ierem. 10. [Scio Domine, quod non est in manu hominis via eius.] Quæ ad modum explicatum accipienda sunt.

Atque hinc sequitur, impropriæ loqui illos, qui dicunt. Si non es prædestinatus, fac ut prædestineras. Quod tribui solet Augustino, sed apud illum reperi negat Suarez loc. cit. Porius dicendum est, Si non ita vixisti, ut prædestinato conueniebat, viue ita in posterum & perseuera; & certo noris te prædestinatum.

D V B I V M IV.

An, & quaratione de nostra Praedestinatione certi esse possumus: & quenam sint diuina prædestinationis signa.

S. Thom. I. p. q. 23. a. 1. ad 3.

DE hac re breuiter sequentes assertiones statuimus.

Affertio I. Vt absque speciali reuelatione Dei nemo undequa certus esse potest de sua prædestinatione; ita nec circa prædictam reuelationem vlla dantur in homine signa infallibilia diuinæ prædestinationis, aut reprobationis; nec ex statu quidem præsentis iustitiae, ciuitate carentia, petita: cum pro aliquo tempore & prædestinatus gratia carere, & cadere; & reprobus gratiam habere possit. Hæc affertio est contra Sectarios, qui duplicitate errore hac in re tenentur. Primus est, quemlibet Christianum posse ac debere ea ipsa certitudine fidei, qua credit Christum hominem, ac Deum esse, etiam credere se habiturum vitam æternam. Ita Calvinius lib. 3. Instit. cap. 2. § 16. Bucerus in Colloquio Ratisponensi, Kemnitius in Exam. Concil. Trid. sess. 6. c. 12. Secundus error est, ex ipso statu præsentis gratiae, ciuitate carentia sumi posse certum & infallibile argumentum, aliquem esse prædestinatum aut reprobatum: eo quod & prædestinatus aut uniuersim, vt putauit Wicelius, damnatus in Concilio Constantiensi sess. 8. aut saltem ex quo semel iustificatus est, vt ait Calvinius lib. 3. Instit. capit. 2. § 11. & 12. necessario semper sit in gratia: è contrario reprobus in perpetuo odio Dei, vt dixit idem Wicelius.

Qui errores repugnant fidei, & damnantur in Concilio Tridentino sess. 6. in pluribus capitibus & canonibus. Etenim cap. 12. ita definitur: [Nemo quamdiu in hac mortalitate viuitur, de arcano diuinæ prædestinationis mysterio usque adeo presumere debet, ut certo statuar, se omnino esse in numero prædestinatorum: quasi verū esset, quod iustificatus aut amplius peccare non possit; aut si peccauerit, certam sibi resipiscientiam promittere debeat: nam nisi ex speciali reuelatione sciri non potest, quos Deus sibi elegerit.] Et cap. 13. ita dicitur: [Similiter de perleuerantia munere. &c. nemo sibi certi aliquid absoluta certitudine pollicetur: tametsi in Dei auxilio firmissimam spem collocare, & reponere omnes debent.] Quibus

respondet ibidem infra canon. 15. [Si quis dixerit, hominem renatum & iustificatum teneri ex fine ad credendum, se certo esse in numero prædestinatorum, anathema sit.] Et canon. 16. [Si quis magnum illud usque in finem perseuerantia domum se certo habiturum, absoluta & infallibili certitudine dixerit, nisi hoc ex speciali reuelatione didicerit, anathema sit.] Et canon. 17. [Si quis iustificationis gratiam non nisi prædestinatis ad vitam contingere dixerit; reliquos vero omnes, qui vocantur, vocari quidem, sed gratiam non accipere, vtpote diuina potestate prædestinatos ad malum, anathema sit.] Contra quos errores fusius disputant Vega lib. 11. in Concil. Trident. à cap. 1. & Bellarmine lib. 3. de Iustificat. præscriptum cap. 14. & 15.

Probatur assertio primum ex Scriptura. Eccles. 9. v. 1. *Nescit homo, virum amere, an odio dignus sit, sed omnia in futurum servantur incerta.* Quod ad diuinam prædestinationem ac reprobationem, in primis referunt Sanctus Augustinus lib. de spir. & anima capit. 59. & Bernardus serm. de Septuaginta. Item Prouerb. 27. vers. 1. *Ne glorieris in crastinum, ignorans quid superuentura pariat dies.* Et Prouerb. 28. v. 14. *Beatus homo, qui semper est pauidus.* Et Rom. 11. v. 20. *Tu autem fide fas: noli alium sapere, sed time.* Et v. 22. *Vide ergo bonitatem & seueritatem Dei: in eos quidem qui ceciderunt seueritatem, in te autem bonitatem Dei, si permanferis in bonitate: alioquin & tu cecideris.* Speciatim autem prædestinatum, quantumvis iustum, posse peccare mortaliter, & esse extra statum gratiae, patet ex Scriptura exemplo Davidis 2. Reg. capit. 12. qui peccatum adulterij & homicidij perpetravit; & de quo dicitur, *Dominus quoq. transiit peccatum tuum.* Item exemplo Pauli, qui cum esset vas electionis, suum tamē de se ipso peccatum confiteretur. 1. Timoth. 1. v. 13. *Qui prīmū blasphemus fui, & persecutor, & contumeliosus.*

E contrario reprobus sape in statu gratiae aliquanto tempore esse, patet primum exemplo Luciferi, de quo per allegoriam Ezech. 28. v. 12. dicitur: *Tu signaculum similitudinis, plenus sapientia, & perfectus decor, in deliciis paradisi Dei fuisti.* Et infra. v. 16. *In multitudine negotiorum tuarum, repleta sunt interiora tua iniquitate, & peccasti: & eieci te de monte Dei, & perdidisse, O cherub, protegens de medio lapidum ignitorum.* De quo etiam Ier. 14. v. 12. dicitur: *Quemodo cecidisti de calo Lucifer, qui mane oriebaris?* iuxta communiter receptam interpretationem Augustini lib. 3. de doctr. Christi. cap. 3. Idem patet exemplo Saulis, 1. Reg. 9. v. 2. vbi dicitur, *Et erat ei filius vocabulo saul electus & bonus, & non erat vir de filiis Israel melior illo.* Et cap. 15. v. 17. de eodem dicitur: *Nonne cum parvulus esses in oculis tuis, capie in tribubus Israel factus es?* Ettamen Saulem fuisse reprobum, cum S. Augustino lib. 2. ad Simplicianum q. 1. communiter sentiunt Doctores, & colligitur ex illo 1. Paralip. 10. *Mortuus est saul propter iniquitates suas, eo quod prævaricatus sit mandatum Domini.* & 1. Reg. 28. v. 16. ait Samuel ad Saulem: *Quid interrogas me; cum Dominus recesserit a te: quicquid nonnulli ex Hebreis in contrarium dixerint.*

5 Idem iuxta probabiliorem & communiorum sententiam, suaderur exemplo Salomonis, quem reprobum fuisse, satis colligitur ex 3. Reg. 11. Eccl. 47. à v. 23. & docent Cyprianus lib. 1. epist. 5. Augustinus lib. 22. cont. Faust. capit. 88. & in comment. super psalm. 126. & lib. 17. de ciuitate cap. 20. & glossa in 2. Reg. 17. & 4. Reg. 23. licet Hieronymus in cap. 1. Ecclæ. & in capit. 43. Ezechielis, item Genebrardus lib. 1. sua Cosmograph. & alij nonnulli Catholicæ Doctores, non omnino improbabiliter contrarium sentiant. Idem patet exemplo Iudæ, quem in gratia fuisse satis colligitur ex eius vocatione & electione ad Apostolatum; & tamen reprobum fuisse constat ex psalm. 108. & Matth. 27.

Secundo eadem assertio probatur communi sensu SS. Patrum, præsertim S. Augustini lib. de bono perseuer. cap. 3. 13. & 22. & lib. de corrept. & grat. capit. 13. vbi ait: *Quis ex mortalitate vivitur, in numero prædestinationum se esse præsumat?* *Quia id occultari opus est in hoc loco, ubi sic cauenda est elatio, ut etiam per Satanam Angelum, ne extolleretur, tantus colaphizetur Apostolus.* Et Prosper in libro resp. ad articulos falso Augustino impositos, art. 12. Prædestination, inquit, apud nos, dum in præsenti vita periculis versamur, incerta est, apud illum tamen, qui facit quæ futura sunt, incommutabilis permanet.

6 Item Hieronymus in illud Eccles. 9. *Nemo scit, vtrum odio &c. Hic, inquit, est sensus. Inservi iustorum opera in manu Dei esse.* Et tamen vtrum amentur a DEO, annon, nunc eos scire non posse; & in ambiguo fluctuare, vtrum ad probationem sufficiant, quæ sufficiant, an ad supplicium. In futuro igitur scient, &c.

Itē Gregorius ho. 38. in Euang. nō pessime, vt impudenter scripsit Caluinus lib. 3. Inst. c. 24. §. 8. sed optimè tradit, vocationis tantū nostræ cōscios nos esse, & electionis incertos: Nam etiam si, inquit, quales hoc die simus scimus; quales tamen simus futuri, nescimus.

Denique Bernardus serm. 1. in Septuagesima: Generationem istam, inquit, quis enarrabit? Qui potest dicere, ego de electu sum; ego de prædestinatione ad vitam, ego de numero filiorum? reclamante Scriptura, Nescit homo, an amore, &c.

7 Tertio idem probatur ratione. Tum quia prædestinatione & reprobatio spectat ad occulta DEI consilia, soli Deo cognita; quis enim consiliarium eius fuit? Rom. 11. v. 34. Tū quia nemo infallibiliter seit, se esse in gratia, ut suo loco docetur; multo minus, se esse perseueraturum in gratia; nusquam enim est hoc reuelatum. Sed & qui in peccatis maximis viuunt, saepe a Deo illuminantur, & ad bonam frugem se conferunt, & ita saluantur, ut constat de Paulo, de latrone in cruce, de Maria Magdalena, & similibus: ita ut in quibus abundauit delictum, abundet & gratia. Tum quia nulla fidei certitudo est, cui potest subesse falsum; at vero huic persuasioni Sectariorum subesse posse falsum, patet ipsorummet exemplo & experientia: cum inter ipsosmet etiam, quantumvis ea persuasione imbuc, aliqui abiecta ea persuasione nonnunquam vel ad Catholicam fidem conuertantur, vel ad manifestam impietatem deficiant.

Obiicitur primo illud 1. Ioan. 5. *Hæc scribo vobis, viciatis, quia vitam habebis, qui creditis in nomine filii Dei.* Et Rom. 8. omniū prædestinatoꝝ nomine loquens Apostolus ait, *Qui nos separabit a charitate Christi?* &c. *Cetera sum enim, quod neg. mors, nec vita &c. poterunt nos separare a charitate DEI,* que est in Christo IESU.

Respondet, primum locum intelligi vniuersim de ijs, qui viua fide credunt in nomine filii Dei, si tamen in hac fide perseuerauerint usque ad finem, ut bene explicat S. Thomas in eundem locum. Sed cum hac scientia & certitudine vniuersali & conditionata consistit ignorantia, & incertitudo particularis, an hic vel ille habeat, aut habiturus sit ealem fidem viuam, cum perseuerant coniunctam.

Ad secundum locum respondetur primo, eum intelligi posse de certitudine quadam morali, siue secundum presentem animi dispositionem: sicut enim certitudine quadam morali quidam eximis Sancti de sua gratia certi esse possunt, ita etiam similem quandam certitudinem, non tamen sine omni formidine, eos habere posse de sua prædestinatione, concedunt viri docti, & indicat Sanctus Bernardus sermone 2. in octava Paſcha.

Respondet secundo cum Sancto Augustino lib. de grat. & lib. arbit. Apostolum loqui de se ipso, & alijs habentibus speciale revelationem sua prædestinationis & salutis: vti habuerant Sancti complures; inter alios Abraham, cui dictum est Genes. 15. vers. 1. *Ego protector tuus sum, & merces tua magna nimis;* fortassis & Isaac, cui ait Deus Genes. 26. vers. 2. *Ne descendas in Aegyptum, sed quiesce in terra, quam dixero tibi, & peregrinare in ea, eroge tecum, & benedic tibi.* Apertius Jacob, Genes. 28. xers. 14. qui à Deo audiuit, *Benedicentur in te, & in semine tuo cunctæ tribus terre:* Et ero cuius tuus, quoque perreverxi. Nec minus perspicue Moyles, Exodi 33. vers. 12. & 17. *Inuenisti gratiam coram me, & te ipsum noui ex nomine, &c.* Ego offendam tibi omne bonum. Item Elias 4. Reg. 2. v. 9. cum ad Elisa ait: *Postula quod vis, ut faciam tibi, antequam tollam à te.* Et insigniter Hieremias cap. 1. v. 4. cui dictum est à Deo. *Priusquam te formarem in utero, noui te, & antequam exires de vulva, sanctificavi te, & prophetam in gentibus dedi te.* Nec dubie beata Virgo, quæ & gratia plena ab Angelo salutata; & ab Elizabetha benedicta inter mulieres, & bestias, quæ credidisti: & de se ipsa canit, *Ecce enim ex hoc beatam me dicens omnes generationes.* Luc. 1. Item etiam Ioannes Baptista, qui sciebat se à Deo per Isaiam cap. 40. vers. 3. *Vocem Dei;* per Malachiam capit. 3. vers. 1. *Angelum Dei;* à Christo vero tallem, *quo non surrexerit maior inter natos mulierum,* fuisse de prædicatum, Matth. 11. v. 11. Tales etiam fuerunt Apostoli, quibus (post egressum Iuda) ait Christus Luc. 22. v. 28. *Io es tu, qui permanesis meum in tentationibus meis.* Et ego diffido vobis, *scis diffidit mihi pater natus regnum,* &c. Tales forte etiam fuerunt ex discipulis illi, quib⁹ Christ⁹ Luc. 10. v. 20. dixit, *Gaudete autem, quod nomina vestra scripta sunt in celo.*

Talis etiam in primis fuit Apostolus Paulus, qui præter ea, quæ obiecta sunt, de se ipso ait: *Bonum certamen*

certamen certavi, cursum consummaui, fidem seruavi. In reliquo reposita est mihi corona iustitiae, quam reddet mihi Dominus in illa die iustus index. 2. Timoth. 4. vers. 8. Qui id ipsum etiam de alijs quibusdam ex reuelatione compertum habuisse videtur, quando de Clemente, & alijs coadiutoribus suis ait, *quorum nomina sunt in libro vite*, Philipp. 4. v. 3. Quamuis subinde quasi de sua salute incertus loquatur, non quod reuera incertus esset; sed quod nisi studio virtutum eo aspirare se non posse sciret. Quo spectant illa; sequor autem, si quo modo comprehendam. Philipp. 3. v. 12. Et, *Venib[us] est, si non euangelizavero*. 1. Corinth. 9. v. 16. Et rursum ibidem, ver. 27. *Castigo corpus meum, et in servitutem redigo, ne forte cum alijs predicatorum, ipse reprobus efficiar*. De qua re bene differit Vega lib. 12. in Concil. Trident. cap. 10.

Non tamen conueniebat, vt sua cuiusque prædestinationis singulis reuelaretur; quia sic illi, qui non sunt prædestinati, desperantes; & securitas in prædestinationis negligientiam pareret, vt sapienter notauit S. Thomas hic quæst. 23. artic. 1. ad 4. Volut ergo nos D E vs inter spem & metum versari.

Obijcitur secundo illud Rom. 8. *Ipse spiritus testimonium reddit spiritali nostro, quod filii DEI sumus; si autem filii, & heredes*.

Responetur, hoc testimonium spectare ad oñes iustos adultos: quibus eti spiritus per internum solatium & illustrationem mentis subinde testimonium reddit, quod sint filii Dei; ac proinde secundum præsentem saltem iustitiam heredes regni, non tamen præstat ea res infallibilem certitudinem, non quod testimonium Spiritus sancti incertum sit; sed quod ipsi infallibiliter non sciunt, testimonium seu inspirationem illam à spiritu sancto esse; cum & Saranas transformare se soleat in Angelum lucis: quare etiam probare iubemur Spiritus, si ex Deo sint. Bene tamen probat illi locus, iustos sœpe habere conjecturalem quandam, nonnunquam etiam quasi moralem quandam, certitudinem de sua salute, cui tamen possit subesse falso, vt dictum, & suo loco de gratia fusiū docuitomo 2. disp. 6. q. 4. dub. 5.

Affertio II. Varia sunt diuinæ prædestinationis signa, partim externa, partim interna; & ex utrisque rursum alia remota; alia propinquā; ex his rursum alia specialia, alia specialissima: quæ tamen sive adsint, sive absint, vt per se nullum mortalium infallibiliter certum de sua salute redundat, ita nec vili omnem salutis spem adiungit: præterim cum magna ex parte in hominīs potestate sita sint. De signis prædestinationis particulatim prolixe & eruditè differunt Vega lib. 12. in Concil. Trident. à cap. 1. Michael Medina de redata in Deum fide, cap. 3. Sotus de natura & grat. lib. 3. cap. 11. 12. & 13. Mihi ad propositum satis est, iuxta positam affertionem, variam corrum rationem breuiter exponere. Cum enim signum prædestinationis idem sit generatum, quod indicium prædestinationis, facile constare potest; magnam inter ea esse varietatem, prout ea scilicet maiorem vel minorem cum æterna hominīs salute coniunctionem & affinitatem habent; aut pro-

ut vel in ipso homine prædestinato, vel extra illum cernuntur, vt diximus.

Primo enim quædam esse externa, quædam interna, ex eo patet. Siquidem ad externa signa pertinere potest externa testificatio non solum diuina, sed etiam testimonium, sive opinio viorum grauium & sapientum de alicuius salute; itē educatione natuitas in tali loco, à talibus parentibus, cum talibus miraculis, vt de S. Ioanne Baptista, S. Nicolao, S. Dominico, vtroque S. Francisco, Assisiensi, & de Paula, alijsque Sanctis sœpe accidit. Interna sunt internæ virtutes, & vita, vt dicuntur.

Secundò alia esse signare mota, alia propinquā, ex eo patet: quia alia non nisi remotam & generalē quædam affinitatem cum prædestinatione habent; alia propinquā. Inde quia v. g. magno ad pietatem & sanctitatem præsidio est, à pijs & fidelibus parentibus esse natum & educatum, idcirco etiam hoc signum aliquod prædestinationis censeri potest, non quidem particulare & propinquum, quia sœpe filii herorum noxæ; sicut è contrario filii peccatorum sancti; sed generale & remotum. Et similia plura facile occurrent cogitanti. Propinquas sunt varia, vt dicemus.

Et enī tertio ex propinquis alia esse specialia, alia specialissima, ita declaratur. Nam de specialibus potissimum loquuntur authores illi, qui signa prædestinationis recensent, qualia Vega non sine ratione censet esse, omnes & singulas beatitudines octo à Christo commemoratas, Matth. 5. & partim etiam Luc. 4. Cum enim præstantissimos virtutum actus, & quidem dubiili quadam constantia exercitos complectantur; puta Euangeliā paupertatem, sive vt Vega putat, humilitatem Christianam, ita mansuetudinem, pias lacrymas & tristitiam, esuriem & sitiū Verbi diuini ac Iustitiae, misericordiam in proximos, munditiam cordis, studium pacis, denique patientiam in tribulationibus & persecutionibus pro Christi nomine perferendis; quæ singula etiam in Scripturis peculiarem habent æternæ retributionis promissionem, optimâ sane ratione singulæ inter specialia diuinæ prædestinationis signa recensentur. Quibus à fortiori accenseri debet professio Religionis approbatæ, in qua viget regularis obseruatio; non solum quod in ea omnes quasi illi virtutum actus confertim & cumulatè cernantur, sed etiam quia paupertas illa voluntaria, quæ in ipsis penè solis cernitur, amplissimam habet Christi promissionem, Matth. 19. v. 29. *Omnis qui reliquerit domum, vel fratrem, aut sororem, aut patrem, aut matrem, aut uxorem, aut filios, aut agros, propter nomen meū, centoplum acipiet, & vitæ æternæ posidebit*, vt pluribus differit Hieronymus Platus lib. 1. de bono status relig. cap. 32. Talia etiam specialia prædestinationis signa censeri possunt bonavitatē diu constanter acta; de qua re Augustinus lib. de bono perseuer. cap. 22. & in psal. 118. vers. *In quo corrigit, &c.* & Bernardus serm. 22. in Cant. item interna testificatio spiritus ac testimonium bonæ conscientiæ, cum voluntate progrediendi, de qua re Apostolus 2. Corinth. 1. v. 12. *Gloria nostra hæc est, testimonium conscientiæ nostræ*. Et loc. cit. Rom. 8.

v. 16. *Ipsæ spiritus testimoniū reddit, quod sumus filii Dei.* Item libenter, & cum interno quodam gaſtu audire ſeu legere Verbiū Dei, iuxta illud Ioann. 8. v. 47. *Qui ex Deo eſt, verba Dei audit.* Ioann. 10. vers. 27. *Oueſ mea vocem meam audiunt, & ſequuntur me;* de qua re Gregorius homil. 18. in Euang.

14

Specialiſſima autem ſigna ſunt, magna & diuina cum Deo familiaritas in oratione, alijſque rebus agendi; mortificatio quaſi perfecta paſſionum; inſignis huius vitæ ac mundi ſuique contemptus ac deſpiciētia; flagrans & firmatus erga Deum amor; deſiderium ardens multa pro Chriſti nomine perpetiendi; quibus adnumerari etiam ſubinde poſſunt miracula, donum prophetiæ, alijſque gratia gratis data; ſi cum pietate vitæ coniungantur, qualia in diſcia in S. Auguſtino, S. Fran‐cisco, S. Domicino, S. Ignatio, alijſque Sanctis eximiè eluixerunt, &c. qui de ſe dicere poterant Apoſtolicum illud: *Vnuego, iamnon ego, viuit vero in me Christus. Itē, Mibi uiuere Christus, & mori lucrum.* Item Dauidicū illud: *Quid mihi eſt in caelo, & à te quid volui ſuper terram,* &c.

Quod verò haec ſigna, ſive adſint, ſive abſiat,

nulli mortalium ſalutis ſpem & facultatem adi-
mant, ex eo patet, non ſolum quia nemo ferè eſt,
ſaltem ex Christianis, qui non vnum aut alterum,
eiusmodi prædestinationis ſignum habeat, ſaltem
remotum; fed etiam quia eſto ſit peccator maxi-
mus, & reiſpa nunc omni prædestinationis ſigno
deſtitutus, facile tamen eſt Deo ſubito honeſtare pa-
perem, vt de latrone, & Paulo diximus. Idem con-
ſtat de gentilibus in medijs Indijs conſtitutis, qui
ſubitè nonnunquam, & admirandis modis ad fa-
ludem perducuntur. Et cum bona vita, & conſci-
entia, alijſque virtutes, & perfectio Christiana in
hominis potestate, cum diuina gratia, qua nulli
denegatur, ſite ſiat, facilè conſtat, poſſe ac debere
in ſuper omnes eò coniiti, vt potiſſima prædeſti-
nationis ſigna in ſe vel maximè enīcant; quod
ad ſolatium & ſalutis ſtudium ſatis omnibus eſe
debet. Infallibilia enim ſigna nemo expeſtare
debet, nec querere; cum extra ſpecialem Dei re-
uelationem (qualis vix ſine temeritate poſtulari
a quoquā potest) ſint nulla, vt ante dictum.
Atque haec de diuina Prædestinatione ſatis, nunc
de Reprobatione agendum.

Q V A E S T I O . VII.

De Reprobatione diuina.

S. Thomas I. p. q. 23. a. 3. & 5.



Bſoluetur hec queſtio quinque dubitationibus. I. An, quid, & quo modo ſit reprobatio; & quo modo ad prædestinationem ſe habeat. II. Quinam ſint effectus reprobationis. III. An & que ſint cauſa totius reprobationis; praesertim ex parte reprobi. IV. Quo ordine ac processu in mente diuina ſiat reprobatio; ſine ipſos actus eius interſe, ſive eam cum prædestinatione conſeramus. V. An & quomodo reprobatio ſit certa; & ſimiliter cum libertate arbitrij conſentiens. Que omnia ſuppositis ijs, que de prædestinatione baſlenus diſſer-
muſ, breuiter expediri poſſunt.

D U B I U M . I.

*An, quid, & quo modo ſit Reprobatio: & quo modo ad
Prædestinationem ſe habeat.*

S. Thomas I. p. q. 23. a. 3.

R eprobi, quaſi reprobati & reieciți à Theologis dicuntur omnes homines, vel Angeli, qui gehennæ adidicuntur, aut beatitudinem non confe-
quuntur, iuxta Apoſtolum 1. Corinth. 9. v. 27. &
2. Corinth. 13. v. 5. 6. & 7. Heb. 6. ver. 8. tametiſi alioquin in Scriptura Eccli. 9. v. 11. Rom. 1. v. 28.
2. Timoth. 3. v. 8. Tit. 1. v. 16. hoc nomen communi-
ter omnibus improbis tribuatur. Vocantur ijdem etiam *vasa in contumeliam*, Rom. 9. vers. 2. 1. 2.
Timoth. 2. v. 20. item, *vasa ira* Rom. 9. v. 22. Vo-
cantur quoque à Theologis absolute *preſciū*, com-
muni generis nomine, ob imperfectionem, eis
idcirco quaſi appropriato, quod præſcientia tan-

tum diuina in eos, non etiam, vt in electos, pecu-
liari illa approbatio, ſeu amor voluntatis diuina
feratur.

Difſert nonnihil ſecundum modum appellandi
reprobatio prædestinatione, quod hac proprie-
& formaliter non eſt niſi actua in ipſo prædeſti-
nante; à qua per ſolam denominationem extrin-
ſecam aliquis dicitur prædefinatus; reprobatio
autem, quia generatim non ſolum actum in men-
te reprobans, ſed etiam actionem tranſeuntē
ac paſſionem in reprobante ſignificat; dicitur e-
nim & lapis ab ædificante reprobari, non ſolum
dum mente velut inutilis ad ædificium designatur,

ſed